

ՀՀ ԿԳՄՍ ՆԱԽԱՐԱՐՈՒԹՅՈՒՆ

«ՍԻՍԻԱՆԻ ԱՎԱԳ ԴՊՐՈՑ» ՊՈԱԿ

ՀԱՆՐԱԿՐԹԱԿԱՆ ՀԻՄՆԱԿԱՆ ԾՐԱԳՐԵՐ ԻՐԱԿԱՆԱՑՆՈՂ ՈՒՍՈՒՄՆԱԿԱՆ  
ՀԱՍՏԱՏՈՒԹՅԱՆ ՀԵՐԹԱԿԱՆ ԱՏԵՍԱՎՈՐՄԱՆ ԵՆԹԱԿԱ ՈՒՍՈՒՑՉԻ  
ՎԵՐԱՊԱՏՐԱՍՏՈՒՄ

ԱՎԱՐՏԱԿԱՆ ՀԵՏԱԶՈՏԱԿԱՆ ԱՇԽԱՏԱՆՔ

ԹԵՄԱ՝ « Համագործակցային մեթոդների առավելությունները  
պատմությունը ուսումնասիրելիս »

ԱՌԱՐԿԱ՝ Պատմություն

ՀԵՂԻՆԱԿ՝ Լուսինե Համբարձումյան

ՈՒՍՈՒՄՆԱԿԱՆ ՀԱՍՏԱՏՈՒԹՅՈՒՆ՝ Նորավանի միջնակարգ դպրոց

ՂԵԿԱՎԱՐ՝ Ռուզաննա Խաչատրյան

## ԲՈՎԱՆԴԱԿՈՒԹՅՈՒՆ

Ներածական մաս (նպատակ, խնդիրներ)	3
Գրական ակնարկ	5
Ընդհանուր բնութագիրը այն դասարանի, որտեղ հետազոտական աշխատանք է կատարվում	7
Ընթացքը, վերլուծություն	15
Եզրահանգում	17
Գրականության ցանկ	19

« Յուրաքանչյուր երեխա ինչ-որ  
չափով հանճար է, և յուրաքանչյուր  
հանճար՝ ինչ-որ չափով երեխա»:  
Ա.Շոպենհաուեր

## ՆԵՐԱԾԱԿԱՆ ՄԱՍ

Ինչպես գյուղական շատ դպրոցներում, այնպես էլ մեր դպրոցում, ունենք սակավաթիվ  
աշակերտներով դասարաններ, որտեղ աշակերտներից որոշները ունեն անտարբեր  
վերաբերմունք ուսման հանդեպ:

Այս հետազոտական աշխատանքը միտված է ուսուցման որակի բարձրացմանը, որի  
արդյունքում կարող են լուծվել մի շարք խնդիրներ:

Անհրաժեշտ է փոխել դասավանդման մեթոդիկան , օգտագործել ժամանակակից  
տեխնոլոգիաներ:

**Հետազոտական աշխատանքի գլխավոր նպատակն է՝ ուսումնասիրել համագործակցային  
մեթոդների կիրառումը դասապրոցեստում , զարգացնել մի շարք հմտություններ և լուծել  
սովորողների ներգրավվածության խնդիրը:**

Համագործակցային ուսուցումը ժամանակակից կրթության ամենից շատ ուսումնասիրված  
ոլորտներից է: Այս մոտեցումն առավելագույնս է համապատասխանում ուսուցման  
փոփոխված նպատակներին, որի անտեսմամբ հնարավոր չէ լուծել այն բազում խնդիրները,  
որոնք այսօր ծառայել են հասարակության առջև: Ուսուցման ավանդական և նոր  
մոտեցումների միասնությունը հնարավորություն կտա լուծել հասարակության առջև  
ծառայած գլխավոր խնդիրը նոր անձի (անհատի) ձևավորումը: Այսինքն՝ հարկավոր է  
դաստիարակել այնպիսի անհատ, որը ոչ միայն զինված կլինի հարուստ գիտելիքներով, այլև՝  
օժտված ճանաչողական, հաղորդակցային, համագործակցային հմտություններով,  
ստեղծագործական մտածողությամբ և ինքնուրույն գործունեության կարողությամբ:  
Համագործակցային ուսուցումը տվյալների բովանդակային հարցերի սոսկ հաղորդում չէ: Այն  
նաև հետագա կյանքի համար անհրաժեշտ գիտելիքների, հմտությունների ձեռք բերման,  
մշակույթ ձևավորելու եղանակ է: Ուստի ուսուցիչը պետք է կարողանա յուրացնել նոր  
գաղափարները՝ նոր պայմաններում արդյունավետ աշխատելու համար:

**Թեմայի արդիականությունն** այն է, որ անհրաժեշտ է ի հայտ բերել համագործակցային  
ուսուցման այն մեթոդները, որոնք հնարավորություն կտան ոչ միայն անհատի ընկալման  
մեխանիզմներին, այլև վարքագծի վրա մտավոր կառույցների զարգացմանը: Հետազոտության  
նպատակը և խնդիրները Հետազոտության գլխավոր նպատակը համագործակցության  
մանկավարժության մեթոդների կարևորության բացահայտումն է և արդիականության

հիմնավորումը, որի համար որպես հիմնական միջոց է ընտրվել համագործակցության

մանկավարժության հիմնասյունները: Ելնելով առաջադրված նպատակների իրագործման անհրաժեշտությունից՝ հետազոտությունում առաջադրվել և լուծվել են հետևյալ **խնդիրները**.

1. պարզաբանել «դպրոց» սոցիալական կառույցի կառավարման հիմնախնդիրները, նպատակները
2. առանձնացնել այն մեթոդները, սկզբունքները և ոճերը, որոնք անհրաժեշտ են «դպրոց» սոցիալական կառույցի արդյունավետ կառավարման համար
3. պարզաբանել համագործակցության ուսուցման մեթոդների կարևորությունը
4. առանձնացնել համագործակցության ուսուցման այն սկզբունքները և մեթոդները, որոնք անհրաժեշտ են աշակերտակենտրոն ուսուցման կազմակերպման համար:

## ԳՐԱԿԱՆ ԱԿՆԱՐԿ

Համագործակցային ուսուցումը տեխնիկա է, որը թույլ է տալիս աշակերտներին միմյանցից սովորել և ձեռք բերել միջանձնային կարևոր հմտություններ: Համագործակցային ուսուցումը լայն տարածում է գտել աշխարհում: Այն ավելի ու ավելի է կիրառվում՝ որպես աշխատանքային, դասավանդման և ուսուցման նոր մոտեցում և ռազմավարություն: Համագործակցային ուսուցումը խմբային աշխատանքի առավել բարձր աստիճանն է, որը ենթադրում է խմբային աշխատանքի որոշակի նոր մշակույթի ձևավորում: Այն ընձեռում է հնարավորություններ բազմաբնույթ կրթական նպատակներին հասնալու համար, ինչպիսիք են ակադեմիական հասկացությունների, սկզբունքների և իրադարձությունների ընկալումը, միջանձնային հմտությունների զարգացումը և այլն: Ժամանակակից ուսուցման պրակտիկայի լավագույն օրինակը փոքր խմբային աշխատանքն է, որի արմատները կարելի է գտնել սոցիոլոգների և ժամանակակից մանկավարժների աշխատանքներում: Փոքր խմբային աշխատանքը երբեմն պայմանականորեն անվանում են համագործակցային ուսուցում, համատեղ գործունեության վրա հիմնված ուսուցում կամ սոցիալական ուսուցում: Համագործակցային ուսուցումը ուսանողների ուսուցումն ու փոխկախվածությունն ուժեղացնելու համար փոքր խմբերի օգտագործման կազմակերպված և կառուցվածքային եղանակ է: Սովորողները առաջադրանք ունեն, որն ավելի հայտնի է որպես առաքելություն կամ նպատակներ, և նրանք միասին աշխատում են այս խնդիրը կյանքի կոչելու համար: Յուրաքանչյուր անհատ ունի պարտականություններ և պատասխանատու է առաջադրանքի կատարմանը օժանդակելու համար: Բացի միմյանցից սովորելուց, աշակերտները սովորում են նաև թիմի կազմում աշխատել և սովորել միմյանցից: Համագործակցային ուսուցման հաջողությունը հիմնված է երեք փոխկապակցված գործոնների վրա.

**Խմբի նպատակները.** Համագործակցային ուսուցման թիմերը աշխատում են խմբի յուրաքանչյուր անդամի կատարելագործման համար ճանաչում ստանալու համար: **Անհատական պատասխանատվություն:** Թիմի յուրաքանչյուր անդամ գնահատվում է անհատապես: Թիմակիցները աշխատում են միասին, բայց անհատական ուսուցման առաջընթացը կազմում է թիմի գնահատման հիմքը:

**Հավասար հաջողության հնարավորություն:** Անհատական կատարելագործումը նախորդ կատարողականի նկատմամբ ավելի կարևոր է, քան նախապես սահմանված միավորին հասնելը: Աշակերտը կարող է ավելի հավանական լինել հաջողության հասնել՝ աշխատելով թիմում և ավելի շատ գիտելիքներ կլանելով ուրիշներից, քան միայնակ աշխատելով:

Աշխարհը փոխվում է արագընթաց տեմպերով և անկանխատեսելիորեն:

Տեղեկատվությունն ու գիտելիքները ձևավորում են մեր

աշխարհայացքը: Հասարակական բոլոր փոփոխությունները անդրադառնում են նաև կրթական համակարգին: Հայաստանում, ինչպես և ամբողջ աշխարհում ակնհայտ է,

որ մարդիկ կարիք ունեն աշխատելու խմբերով: Արագընթաց փոփոխությունները մարդուց պահանջում են նոր իրավիճակներին հարմարվելու, ճկուն գործելու

հմտություններ: Հասարակությունը դպրոցին և հատկապես ուսուցչին է լիազորել իր ապագայի կերտումը: Այս աշխատանքում ցանկանում ենք անդրադառնալ համագործակցային մեթոդների, հնարների, փոքր աշխատանքային խմբերի արդյունավետ կիրառելիությանը: Համագործակցային մեթոդների կիրառումն ինքնանպատակ չէ. դրանք պետք է ուղղված լինեն սովորողների ինչպես մտավոր ու զգայական կարողությունների, այնպես էլ ինքնուրունության, սոցիալականացման և այլ հմտությունների զարգացմանը: Կարևորագույն խնդիր է դառնում ոչ միայն այդ հմտություններին տիրապետելը, այլ արժևորելը և կյանքում դրանք համապատասխան իրավիճակներում կիրառելը: Ուստի մեր խնդիրն է անգլերեն լեզվի դասաժամերին համագործակցային ուսուցման շնորհիվ աշակերտների մտ ձևավորել այնպիսի որակներ, զարգացնել այնպիսի հմտություններ, որոնք համահունչ կլինեն կրթության ժամանակակից պահանջներին, իսկ շրջանավարտը՝ կրթական հաստատությունում ձեռք բերածը կկարողանա կիրառել կյանքում: Ուսուցիչը միանգամից, մի դասի ժամանակ չի կարող օգտագործել մեթոդների հարուստ զինանոցը: Նա պետք է որոշակի դասի համար կատարի ուսուցման մեթոդի, հնարի ընտրություն: Ուսուցման մեթոդի հիմքում ընկած են այն խնդիրները, որոնք լուծվում են դասի ժամանակ կամ դասի որոշակի փուլում. բացի դասի նպատակից ու խնդիրներից, մեթոդների ընտրությունը կախված է նաև՝ դասի տիպից ու կառուցվածքից, ուսումնական նյութի բովանդակությունից, աշակերտների տարիքից, դասարանում աշակերտների թվաքանակից, պատրաստվածության մակարդակից, շահագրգռվածությունից ու հետաքրքրությունից, ուսումնադիտողական պարագաների առկայությունից, ժամաքանակից, ուսուցչի պատրաստվածության մակարդակից և այլ գործոններից:

Համագործակցային ուսուցման տարրերի կիրառումը նպաստում է դասարանում նոր՝ համագործակցային միջավայրի ձևավորմանը, օգնում է ուսուցչին հասկանալու համագործակցային ուսուցման էությունն ու պլանավորելու դասը, պայմաններ է ստեղծում ուսուցման արդյունավետության գնահատման, արժևորման համար, ինչպես նաև բարելավում է խմբային աշխատանքը:

Դասի կազմակերպման ժամանակ ուսուցչի հիմնական աշխատանքը կլինի բոլոր խմբերի աշխատանքների վերահսկումն ու ուղղորդումը: Ցանկացած դաս և դասարան եզակի է, ուստի ուսուցչի վարպետության ցուցանիշներից մեկը նպատակին, համապատասխան մեթոդի ընտրությունն է:

**Համագործակցային աշխատանքի առավելությունները:**

Համագործակցային ուսուցումը՝ որպես այլընտրանքային մանկավարժական մոտեցում, մեծ ճանաչում է ձեռք բերել: Համագործակցային ուսուցման մեջ էական են ոչ միայն ակադեմիական գիտելիքներ և հմտություններ սովորելը, այլև կարևոր է խմբային զարգացման մշակման միջոցով դառնալ հմուտ համագործակցողներ (համագործակցային հմտություններ) և գիտելիքների ակտիվ կիրառողներ (մտածողության հմտություններ):

*Համագործակցային ուսուցման իմաստն է՝ յուրաքանչյուր անհատի դարձնել ուժեղ անձնավորություն ժամանակակից հասարակության մեջ:*

## **Ընդհանուր բնութագիրը այն դասարանի, որտեղ հետազոտական աշխատանք է կատարվում**

Հետազոտական աշխատանքն իրականացրել եմ Սյունիքի մարզի Նորավանի միջն. դպրոցի 7-րդ դասարանում, որտեղ սովորում են 8 աշակերտներ՝ 7աղջիկ և 1 տղա: 7-րդ դասարանում հայոց պատմություն առարկային տրված է շաբաթական 3 դասաժամ: Նշված դասարանում աշակերտների մեծ մասը հայոց պատմություն առարկայի նկատմամբ ունեն մեծ հետաքրքրություն, նախաձեռնող են, պատրաստակամ ավելի ծավալուն գիտելիքներ ստանալուն: Դասարանում սովորում են հիմնականում ուժեղ ընդունակություններով օժտված երեխաներ: Սակայն 3 աշակերտ՝ 2 աղջիկ և 1 տղա մնացած աշակերտների համեմատ ունեն ավելի թույլ ընդունակություններ ու որպես կանոն ավելի պասիվ են դասաժամերի ընթացքում: Հարկ է նշել նաև, որ դասարանում ունեն երեք աղջիկ երեխա, ովքեր շատ լավ մասնակցում են գործնական պարապմունքներին, վարժությունների ու խնդիրների լուծմանը: Հետազոտական աշխատանքը կատարվել է ամբողջ դասարանի աշակերտների ներգրավվածությամբ, առանձնակի շեշտ դնելով վերը նշված աշակերտներին: Դասարանում ներառական կրթության կարիք ունեցող աշակերտ չկա: Հետազոտական աշխատանքի նպատակը հիմնված է պասիվ աշակերտներին ներգրավելու ու աշակերտների մոտ վերլուծական մտածողության զարգացմանը:

## **Դասի պլան 1**

### **Առարկա՝ Հայոց պատմություն**

### **Դասարան՝ 7**

### **Թեմա՝ Անիի թագավորության թուլացումն ու անկումը**

### **Նպատակը՝ Ձևավորել**

- Բազրատունյաց թագավորության թուլացման և անկման գործընթացները, պատմական գործիչներին, և տվյալ ժամանակաշրջանի պատմական և հասարակական կարևոր փաստերը, երևույթները, իրադարձությունները, համեմատելու, համադրելու հմտություն
- Բազրատունյաց թագավորության տեղն ու դերը պատմության մեջ գնահատելու, արժևորելու հմտություն:

### *Վերջնարդյունքներ*

*Ներկայացնի Բազրատունյաց թագավորության պատմության առանցքային դրվագներ.*

*Բնութագրի Բազրատունի նշանավոր արքաների, հոգևոր գործիչների պետության անվտանգության ամրապնմանն ու հզորացմանն ուղղված ձեռնարկումները, կարծիք հայտնի նրանց գործունեության արդյունքների*

*վերաբերյալ*

*Գնահատի և արժևորի Անիի Բագրատունյաց թագավորության քաղաքակրթական ձեռքբերումները.*

*Կապը ՀՊԶի հետ - Հ1, Հ2, Հ25 Հ26 Հ27 Հ28 Հ29 Հ30 Հ31 Հ35*

*Միջառարկայական կապեր՝ համաշխարհային պատմություն, գրականություն, աշխարհագրություն*

*Դասի տիպը*- Նոր նյութի մատուցում, համակցված հարցադրումներ

***Ընդհանրական խաչվող հասկացություններ***

1. Համակարգ, տարածք, ժամանակ, անհատ և հարաբերություն

*Ուսումնադիտողական պարագաներ, տեխնիկական միջոցներ՝*

Գիրք, տետր, գրիչ, մատիտներ, մարկեր, մեծ թուղթ, գրատախտակ, քարտեզ,

Համացանց

***Կիրառվող մեթոդները*** -Մուտքի քարտ, մտազրոհ, հարց ու պատասխան, գործնական աշխատանք:

Դասի ընթացքը

***Ներածություն*** – Կազմակերպչական մաս. 5ր

ա. Աշակերտների հաշվառում

բ. Տնային առաջադրանքների վերլուծում

գ. Անդրադարձ նախորդ դասին, անհասկանալի հարցերի պարզաբանում.

***Խթանման փուլ*** - Ուսուցիչը ելքի քարտի միջոցով անդրադարձ է կատարում նախորդ թեմային:

Աշակերտները դասի վերնագրին ծանոթանալուց հետո իր պատկերացումներով կփորձեն մեկնաբանել <<Անիի թագավորության թուլացումն ու անկումը>> թեմայի պատճառները 5ր.

***Իմաստի ընկալման փուլ***- Ուսուցիչը սահիկաշարի միջոցով աշակերտներին կներկայացնի նոր թեման. 10ր



**Կշռադատման փուլ**-Նոր նյութը ներկայացնելուց հետո հարց ու պատասխանի միջոցով դասարանը կամփոփի դասը՝ հասկանալու համար որքանով են յուրացրել նոր թեման: 10ր

**Ամփոփում** Քարտային աշխատանքի միջոցով ամփոփել թեման.5ր.

1. Ի՞նչ գիտեի
2. Ի՞նչ սովորեցի
3. Ի՞նչ կուզեի ավելին իմանալ

**Գնահատում**- Կատարել փոխադարձ գնահատում 7ր.

**Տնայինաշխատանք** - Ինքնուրույն ուսումնասիրել նոր թեման, գրել Անիի թագավորության անկման պատճառները: 3ր

## **Դասի պլան 2**

**Առարկա**՝ Հայոց պատմություն

**Դասարան**՝ 9

**Թեմա**՝ Խորհրդային Հայաստանի մշակույթը

**Նպատակը**՝ Նպաստել Խորհրդային Հայաստանի մշակույթի մասին գիտելիքների ձեռքբերմանը, մշակութային կարողունակությունների զարգացման պայմանները, առանձնահատկությունները, ձեռքբերումները

**Վերջնարդյունքներ**՝ Բնութագրի մշակույթի կարևոր ձեռքբերումները, արժևորի հայ մշակութային գործիչների գործունեությունը, գնահատի ՀԽՍՀ ԳԱ ստեղծումը

**Խաչվող հասկացություններ**՝ Անգրագիտության վերացում, դպրոցական շենքերի կառուցում, Խորհրդային դպրոցի ձևավորում

**Միջառարկայական կապեր**՝ Հայոց լեզու, համաշխարհային պատմություն

**Մեթոդ**՝ Ջրույց, մտազրոհ, <<Շրջագայություն պատկերասրահում>>

### **Դասի ընթացքը**

**Կազմակերպչական մաս** (2-3 րոպե)- Նախապատրաստվել դասին, ամրագրել բացականները

**Խթանման փուլ** (5-7 րոպե)- Ջրույցի միջոցով ուսումնասիրել սովորողների հետաքրքրությունները այդ թեմայի նկատմամբ և հարցնել, թե ինչ մշակութային

գործիչներ գիտեն

**Բմաստի ընկալման փուլ**(20 րոպե)- - Կիրառել <<Շրջագայություն պատկերասրահով>>մեթոդը, դասարանը բաժանել 3 խմբի, որոնց միջոցով ներկայացնել գիտության, գրականության, արվեստի գործիչներին և նրանց ստեղծագործությունները

**Կշռադաստման փուլ**(10րոպե) - Յուրաքանչյուր խումբ կներկայացնի իր կատարած աշխատանքը

**Անդրադարձ**(5րոպե)- -Հանձնարարել տնային աշխատանք՝ լրացնել աղյուսակը մշակույթի վերաբերյալ և գրի առնել հիմնական հասկացությունները

**Դասի տիպը՝** Խառը կամ համակցված, հարց ու պատասխան

### **Դասի պլան 3**

**Առարկա՝** Համաշխարհային պատմություն

**Դասարան՝** 8

**Թեմա՝** Լուսավորության դարաշրջան

**Նպատակը՝** Պտկերացում կազմել լուսավորական շարժման և լուսավորյալ միապետության մասին

**Վերջնարդյունքներ՝** Հասկանալ և գնահատել լուսավորյալ միապետերի դերն ու նշանակությունը, զարգացնել քարտեզի հետ աշխատելու հմտությունները

**Խաչվող հասկացություններ՝** Հանրագիտարան, լուսավորության դար, իշխանության տարանջատում, հասարակական դաշինք

**Միջառարկայական կապեր՝** Հյոց պատմություն, գրականություն

**Մեթոդ՝** Ուղեղային գրոհ, Հարց ու պատասխան, տրամագիր

#### **Դասի ընթացքը**

**Կազմակերպչական մաս** (2-3 րոպե)- Նախապատրաստվել դասին, ամրագրել բացականները

**Խթանման փուլ** (5-7 րոպե)- Ուղեղային գրոհ վարժությամբ առաջարկել <<Լուսավորություն, միապետություն>> կամ այլ բառեր

**Իմաստի ընկալման փուլ(20 րոպե)-** Ներկայացնել թագավորական իշխանության ուժեղացման պատճառները և իմանալ, թե ով է լուսավորյալ միապետը: Դիտել ֆիլմ,

10

որից հետո հարց ու պատասխանով տալ եզրահանգում

**Կշռադաստման փուլ(10րոպե)** Դասարանը բաժանել խմբերի. 1-ին խումբը ներկայացնի << Լուսավորյալ միապետ՝ Լուի 14-ին>>, իսկ 2-րդ խումբը՝ << Պիոտր Մեծի բարեփոխումները>>

**Անդրադարձ(5րոպե)-** -Հանձնարարել տնային աշխատանք՝ կազմել T-աձև աղյուսակ <<Պրուսիա և Ավստրիա>>

**Դասի տիպը՝** Խառը կամ համակցված, հարց ու պատասխան, գործնական, խմբային

### **Թեմատիկ գրավոր աշխատանք**

( Ընդգրկում է բաժին 1)

#### **Նշել ճիշտ պատասխանը (1-8-0.25 միավոր)**

1. Որտե՞ղ են բացվել Երկիր մոլորակի վրա մինչ օրս հայտնի ամենահին տաճարները  
ա)Շենգավիթի հնավայրում բ)Ագոլիի քարայրի հնավայրում գ) Աղաբլուր հնավայրում  
դ) Պորտաբլուր հնավայրում
2. Որքան ժամանակ է ընդգրկել միջին քարի դարը  
ա) Ք.ա. 40000-20000 թվականներ գ) ) Ք.ա. 12000-10000 թվականներ բ) ) Ք.ա. 20000-12000  
թվականներ դ) Ք.ա. 10000-8000 թվականներ
3. Ինչպե՞ս է կոչվում կենդանու, բույսի բնության երևույթների հանդեպ հավատը, ըստ որի տոհմային խմբի ծագումը կապվում է դրանց հետ:
4. Ո՞ր հույն պատմիչն է հանգամանալիորեն գրի առել հայերի ծագման մասին հունական ավանդազրույցը.  
ա)Պլուտարքոսը բ)Հերոդոտոսը գ)Քսենոփոնը դ)Ստրաբոնը
5. Ո՞ր ավանդության համաձայն է հայերի ծագումը կապվում Արմենուսի անվան հետ  
ա)վրացական բ)հայկական գ)պարսկական դ)հունական
6. Ո՞ր լեռներից է սկիզբ առնում Արևմտյան Եփրատը գետը.  
ա) Հայկական Տավրոս գ)Ծաղկանց բ)Ծաղկավե դ) Բյուակնյան

7. Հայասայի մասին խեթական արձանագրությունների տեղեկությունները ո՞ր դարերին են

11

վերաբերում

ա)Ք.ա. XVII-XVI դդ. գ) Ք.ա. XV-XIIIդդ բ)Ք.ա XII-XI դդ. դ)Ք.ա XXVIII-XXVIIդդ.

8. Ո՞րն է Հայական լեոնաշխարհի կենտրոնում ձգվող լեոնաշղթան.

ա) Հայական Տավրոս բ)Հայական Պար գ)Գեղամա դ)Արցախի

**Գրել ճիշտ պատասխանը (9-12-0.5 միավոր)**

9. Նախապատմական ժամանակներում ներկայիս ժողովուրդների նախնիները կազմել են մեծ ընտանիքներ, որոնք գիտության մեջ կոչվեցին « մայր ժողովուրդներ», իսկ վերջիններիս զբաղեցրած տարածքները՝ «\_\_\_\_\_»:

10. Շումերական մի բնագրի համաձայն՝ « Իմաստությունն ու արվեստը ցած են բերվել \_\_\_\_\_ երկրից»:

11. «Հայասա» նշանակում է \_\_\_\_\_

12. Ըստ հայոց ծագումնաբանության հայերը սերվել են \_\_\_\_\_:

**Նշել ճիշտ պատասխանը (13-16-1 միավոր)**

13. Նշվածներից ընտրել երկու ճիշտ պնդում:

ա) Ք.ա. III հազարամյակում Հայկական լեոնաշխարհի բնակչությունը դեռևս պատկերացում չունեի արեգականային տարվա մասին:

բ) Հնդեվրոպական նախահայրենիքը գտնվել է Միջագետքի և Իրանական սարահարթի հարավային շրջաններում: գ) Հայկական լեոնաշխարհում նախնադարից անցումը վաղ քաղաքակրթության տեղի է ունեցել վաղ բրոնզի դարում՝ Ք.ա. IV-III հազարամյակներում:

դ) Արատտան հին արևելյան տիպի բացարձակ միապետություն էր:

ե) Ք.ա. խեթական սեպագիր արձանագրություններում հիշատակվում է Հայասա երկիրը:

14. Իրադարձությունները դասավորել՝ ժամանակագրական հաջորդականությամբ.

ա)վայրի կենդանիների ընտելացումը

բ)նետ և աղեղի կիրառման սկիզբը

գ)ձկնորսության առաջացումը

դ)որսորդության առաջացումը

ե)մետաղից աշխատանքային գործիքների պատրաստումը

1	
2	
3	
4	
5	

15.Բերված փաստերից ո՞ր երկուսն են ճիշտ

ա)Արատտան Հայկական լեռնաշխարհի մինչ օրս հայտնի առաջին վաղ պետական կազմավորումն է

բ)Արատտան եղել է աստավաճապետական կարգերով երկիր:

գ)Արատտայի կառավարմանը վերաբերող կարևոր որոշումների կայացման համար արքայի համաձայնությամբ քրմապետը հրավիրում էր գահերեց իշխանների ժողով:

դ)Արատտացիները ներմուծել են մետաղ ու թանկարժեք քարեր և փոխարենն արտահանել հացահատիկ և այլ երկրագործական ապրանքներ:

ե)Շումերում որպես քաշող ուժ օգտագործվել են ձիեր, Արատտայում՝ էշեր:

16.Ներկայացրե՛լ հին աշխարհի հոգևոր ընկալումները Հայաստանի վերաբերյալ.

17.Նշեք Մեծ Հայքի նահանգները ըստ «Աշխարհացույց»-ի: **1 միավոր**

Ա.



- |    |     |     |
|----|-----|-----|
| 1. | 6.  | 11. |
| 2. | 7.  | 12. |
| 3. | 8.  | 13. |
| 4. | 9.  | 14. |
| 5. | 10. | 15. |

Բ. Նշի՛ր Մեծ Հայքի և Փոքր Հայքի սահմանագատիչ գետը և ընդգծի՛ր քարտեզի վրա:

**0.5 միավոր**

Սահմանագատիչ գետն է \_\_\_\_\_

Գ. Ն շի՛ր Մեծ Հայքի և Փոքր Հայքի տարածքները, թե՛ յուրքանչյուրը որքան են կազմում:

**0.5 միավոր**

## Ընթացքը, վերլուծություն

Հետազոտական աշխատանքի նպատակն էր պասիվ աշակերտներին դասապրոցեսին ներգրավվելը ու աշակերտների մոտ վերլուծական մտածողության զարգացումը: Հետազոտական աշխատանքի արդյունքում դասարանում 4 աշակերտներ ամբողջովին ներգրավվեցին դասապրոցեսին, բացի այդ օգտագործվող մեթոդի միջոցով աշակերտները ինքնուրույն կարողացան փնտրել ու հավաքել նոր տեղեկություններ, մշակել ու դարձնել մատչելի ու ընկալելի դասարանի բոլոր սովորողների համար: Հետազոտական դասերի արդյունքներից քննարկելով եկա այն եզրակացության որ.

- Համագործակցային դասերի ընթացքում դիսկուսիա «քննարկում» մեթոդի միջոցով կարողացա հասնել այն արդյունքին, որ դասարանում 2 պասիվ աշակերտներ ամբողջովին ներգրավվեցին դասապրոցեսին: Կարևոր է նշել նաև, որ փորձարարական դասերը մեծ ոգևորություն առաջացրեցին բոլոր աշակերտների մոտ՝ խթանելով սովորողների ակտիվությունը, ինքնուրույն աշխատանքի կատարման կարողությունը:

- Համագործակցային դասերի ընթացքում հանձնարարել էի, որ սովորողները աշխատեն խմբերով: Խմբային աշխատանքում դրսևորվում են խմբի անդամների անհատական առանձնահատկությունները, միաժամանակ ձևավորվում են խմբի անդամին հատուկ կարողություններ՝ համագործակցելու, դիմացինին լսելու և հարգելու: Այս դեպքում ևս հասա այն արդյունքին, որ աշակերտները կարողացել էին ճիշտ համագործակցել միմյանց հետ, օգնել ու ուղղորդել միմյանց:

- Ներառարկայական կապի ստեղծում, քանի որ հետազոտական դասի ընթացքում կատարվել է լրացուցիչ նյութի ուսումնասիրում, որի իր մեջ ներառում է և՛ հայոց պատմություն, և՛ համաշխարհային պատմություն առարկաները:

Գոյություն ունեն համագործակցային ուսուցման տարբեր մեթոդներ, որոնք կիրառվում են դասի տարբեր փուլերում: Այդ ընթացքում աշակերտները ներքաշվում են մի գործընթացի մեջ, որտեղ նրանք կիսվում են գաղափարներով, փոխանակում են տեղեկատվություն, կատարում են ընտրություն և կայացնում են որոշումներ: Դրանք են՝

- Աշակերտների թիմային առաջադիմություն,
- Խճանկար
- Շրջվիր դեպի գույգո
- Պրիզմա
- Խմբային հետազոտություն
- Շրջագայություն պատկերասրահում և այլն:

*Փոքր խմբերով աշխատելու առավելությունները:* Համագործակցային ուսուցման ընթացքում շատ կարևոր է խմբերի մեծությունը: Առավել արդյունավետ են

15

համարվում 4-5 հոգուց բաղկացած խմբերը: Այդպիսի խմբերում աշակերտները առավել մեծ ակտիվություն դրսևորելու հնարավորություն ունեն: Չորս հոգանոց խմբերում կարևորվում է յուրաքանչյուր աշակերտի անհատական պատասխանատվությունը և միաժամանակ ձևավորվում է կոլեկտիվ աշխատանքի մթնոլորտ: Խմբի մեծությունը կախված է դասի նպատակից և ընտրված մեթոդից: Փոքր խմբերով աշխատանքը էապես մեծացնում է աշակերտի ակտիվությունը դասապրոցեսում: Ակնհայտ է, որ հնարավոր չէ արդյունավետ սովորել միայն դիտողի, լսողի, պասիվ վիճակում գտնվելով: Աշակերտն ավելի լավ է սովորում, երբ ակտիվ մասնակցում է գործընթացին: Փոքր խմբերով ուսուցումը կարևորվում է նաև այն առումով, որ դասարաններում աշակերտների խտության մեծացման արդյունքում զգալիորեն դժվարանում է ուսուցման ֆրոնտալ անհատական հարցման ձևերի կիրառումը: Երբ ուսուցիչն աշխատում է մեծ խմբի հետ, ապա աշակերտները արտահայտվելու, քննարկելու ավելի քիչ հնարավորություններ են ունենում: Փոքր խմբի պարագայում այդ հնարավորությունները շատ ավելի մեծ են:

*Փոքր խմբերով ուսուցումը ունի հետևյալ նպատակները .*

- զարգացնում է խնդիրներ լուծելու կարողություն,
- ձևավորում է հաղորդակցման հմտություն,
- աշակերտները սովորում են միմյանցից,
- զարգանում է աշակերտների պատասխանատվության զգացումը,
- միմյանց հաշվետու լինելու հատկությունը՝ խմբի ընդհանուր հաջողությունն ապահովելու հարցում,
- խթանում է թիմային աշխատանքը,
- ապահով և նպաստավոր միջավայր է ստեղծում գիտելիքներն ու հմտությունները դրսևորելու համար,
- քննարկումների միջոցով ամրապնդվում է աշակերտների համոզմունքները, ընձեռում է ակտիվ մասնակցություն և ինքնադրսևորման հնարավորություն: Այսօր ոչ բոլոր դպրոցներն ունեն համապատասխան կահավորում և պայմաններ: Դասարաններում չկան շարժական սեղաններ, խմբային աշխատանքի համար նախատեսված պարագաններ, կապի առկայություն, տեսացրիչ, էլեկտրոնային գրատախտակ և այլ:

16



## Եզրահանգում

Հանգամանորեն ուսումնասիրելով նյութը, համակարգելով սոցիալաբանության արդյունքները, ինչպես նաև օգտագործելով գիտամանկավարժական պրակտիկայի ընթացքում ձեռք բերված կառավարման փորձը՝ հանգեցինք հետևյալ եզրակացություններին.

1. Հանրակրթության ոլորտում տեղի ունեցող բարեփոխումները սպասված և ցանկալի արդյունք կտան, եթե այն հետևողական ու համբերատար ձևով քայլ առ քայլ գնա դեպի համագործակցության:

2. Դպրոցի կառավարման համակարգում տեղի ունեցող փոփոխությունները հնարավորություն կտան ժողովրդավարության տարրեր ներմուծել և նպաստել առողջ համագործակցությանը:

3. Համագործակցային կառավարումը կապահովի բարոյահոգեբանական առողջ մթնոլորտ՝ հենվելով կառավարման և համագործակցության մանկավարժության տեսությունների, սկզբունքների, մեթոդների և գործառնությունների վրա:

4. «Դպրոց» սոցիալական կառույցի կառավարման արդյունավետությունը բարձրացնելու համար կարևորվում է ներդպրոցական կառավարման ենթահամակարգերի և սուբյեկտների համագործակցությունը, որը հումանիստական սկզբունքների շնորհիվ կձևավորի առողջ քննադատություն, ինքնավերլուծություն, ինքնակատարելագործում և ինքնիրացում:

5. Համագործակցության մանկավարժությունը կնպաստի կրթել և դաստիարակել 21-րդ դարի մարտահրավերներին պատրաստ, համակողմանի, ներդաշնակ զարգացած քաղաքացի, աշակերտների մոտ կզարգանա ինքնուրույն ապրելու ձգտումը, ձեռք կբերեն ստեղծագործական մտածողություն ու տեղեկատվության մշակման համագործակցային, ինքնաճանաչման հմտություններ և իր ճիշտ տեղը կգտնի հասարակության մեջ:

6. Համագործակցության մանկավարժության սկզբունքների շնորհիվ կձևավորվի առողջ քննադատություն, ինքնավերլուծություն, ինքնիրացում՝ նպաստելով անձի հակումների բացահայտմանը և մասնագիտական կողմնորոշմանը:

7. Համագործակցության ուսուցման մեթոդները աշակերտների կնպաստեն ինքնակառավարմանը, ինքնադրսևորմանը, ինքնակարգավորմանը, ինքնուրույնությանը, ազատությանը, ինքնաարտահայտմանը և ինքնադաստիարակությանը:

**8.** «Դպրոց» սոցիալական կառույցի և ուսուցչի նորարար գործունեությունը ամբողջական, կառուցողական մի համակարգ է, որտեղ բոլոր ենթահամակարգերը փոխկապակցված և ամրացված են համագործակցային կապերով:

**9.** Նպատակ ունենալով ճանապարհի հարթել համագործակցության ուսուցման սկզբունքների և մեթոդների համար՝ անհրաժեշտ է նպաստել «դպրոց» սոցիալական համակարգում համագործակցության ուսուցման տարրերի աստիճանական ներդրմանը:

**10.** Համագործակցության ուսուցման արմատավորման նպատակով անհրաժեշտ է վերացնել մանկավարժության մեջ նորարարության ճանապարհին եղած բոլոր թերություններն ու խոչընդոտները:

## Գրականության ցանկ

1. Արնատուղյան Ա., Գյուլբուդաղյան Ա., Խաչատրյան Ս., Խրիմյան Ս., Պետրոսյան Մ. Մասնագիտական զարգացման ձեռնարկ 286 ուսուցիչների համար: Երևան: Կրթության ազգային ինստիտուտի հարատարակչություն: 2004 178 էջ:
2. Հովհանիսյան Ա., Հարությունյան Կ., Խրիմյան Ս., Խաչատրյան Ս., Բայաթյան Ն., Ալեքսանյան Լ., Պուրուկուրու Վ. Համագործակցային ուսուցում. Ձեռնարկ Երևան: «Անտարես»: 2006 122 էջ:
3. Վեսա Պուրուկուրու Համագործակցային ուսուցում. վերապատրաստողի ուղեցույց Երևան: «Անտարես»: 2006 95 էջ: